

228560




永樂大典

|       |       |       |       |
|-------|-------|-------|-------|
| 卷〇三七二 | 卷〇三七二 | 卷〇三七〇 | 卷〇三七九 |
| 崔字    | 崔字    | 崔字    | 崔字    |



三三三



重錄總校官侍郎臣高拱

學士臣饒崇謙

分發官翰林臣沐晟

前官御史臣吳繼芳

國監生臣周弘

以書忠

永樂大典卷之二千七百四十

八灰

崔

崔行功

新唐書文藝傳行功恒州井陘人祖謙之任北齊終鉅鹿太守徙占鹿泉少好學唐僉愛其才妻以女因倩作文奏

高宗時累轉吏部郎中以善占奏常畧通事舍人內供奉坐事貶游安令又召爲司文郎中與蘭臺侍郎李懷儼並主朝廷大典冊初太宗命祕書監魏徵寫四部群書將藏內府置離正三十員書工百貫徵使職又詔虞世南顏師古踵領功不就顯慶中罷離正員聽書工寫于家送官取直使散官隨番刊正至是詔東臺侍郎趙仁本舍人張文瓘及行功懷儼相次充使檢校置詳正學士代散官以勞遷蘭臺侍郎辛孫銑尚定安公主馬太府卿初主降王同皎後降銑主辛皎子孫請與父合葬給事中夏侯鉅駁奏主與王氏絕喪當還崔詔可鉅猶出爲瀘州都督行功兄子玄暉別

有

傳。

崔知溫

新唐書列傳知溫字禮仁許州陽陵人任爲左十牛稍遷

以扞賊知溫表使河北虜不樂遷將軍契苾何力爲言乃止知溫固請疏  
十五報卒徙河北自是人得就耕潭州至徙地頗善水草亦忘遷後入  
朝過州謝曰初徙且怨公今地膏腴衆孳夥更荷公恩皆再拜四遷蘭州  
刺史兗項元三萬人寇州兵寡衆懼莫知所出知溫披闔不設備元怪之  
不敢進俄會將軍權善才率兵至大破其衆善才欲遂窮追取之知溫曰  
古善戰弗逆春且穀谷穰深草木荒延萬分一有變不可悔善才曰善分  
降口五百贈知溫辭曰我議公事圖私利邪累遷尚書左丞轉黃門侍郎  
脩國史永隆初以秩卑特詔同門下三品兼脩國史遷中書令卒年五十  
七贈幽州大都督諡曰忠子泰之開元時爲工部尚書諂之爲將作少匠  
與誅二張功封博陵縣侯實封戶二百終少府監死知悌亦至中書侍郎  
與戴至德郡處俊李敬玄等同賜飛白書贊而知悌敬玄以忠勤見表遷  
尚書左丞裴行儉之破突厥斬泥孰蜀殘落保狼山詔知悌馳往定襄慰  
將士佐行儉平遺寇  
有功終戶部尚書

# 崔器

新書書列傳。器深州安平人。曾祖恭禮。尚館陶公。主爲駙馬都尉。貌豐偉。飲酒至斗不亂。器有吏幹。然性陰刻。樂禍。大寶中。舉

明經。爲萬年尉。貽月推監察御史中丞。宋渾爲東畿採訪使。引爲判官。渾坐賊敗。器亦廢。後爲奉先令。安祿山陷京師。器受賊署。守奉先。頃之。同羅背賊。賊將安守忠。張通儒亡去。渭上義兵且數萬。器大懼。悉毀賊所署符。勅募衆以應之。渭上軍敗。遂走靈武。素善呂諲。倚爲御史中丞。戶部侍郎。肅宗至鳳翔。兼禮儀使。二京平。爲三司使。器草定儀典。令王官陷賊者悉入舍元廷中。露首跣足。撫膺頓首請罪。令刀仗環之。以示處從。群臣器既殘忍。希帝旨。欲深文絕下。乃建議。陳希烈達奚珣等數百人皆抵死。李岷執奏。乃以六等定罪。多所原貸。後蕭華自賊中來。因言王官重爲安慶緒驅脅。至相州。聞廣平王宣詔。擇希烈等。皆相顧愧悔。及聞崔器議刑。衆心復搖。帝曰。朕幾爲器所誤。後爲吏部侍郎。御史大夫。上元元年病。亟叩頭。若謝臯狀。家人問之曰。達奚尹訴於我。三日卒。

# 崔觀

舊唐書列傳。觀。梁州城固人。爲儒。不樂仕進。以耕稼爲業。老而無子。乃以田宅家財。分給奴婢。令各爲生業。觀夫妻遂隱於城

固南山。家事不問。奴婢通過其舍。至則供給酒食而已。夫婦林泉相對。以嘯詠自娛。山南西道節度使鄭餘慶高其行。辟爲節度參謀。累遷方至府第。爲吏無方略。苦不達人事。餘慶以長者優容之。大和八年。左補闕王直方上疏論事。得召見。文宗便殿。訪以時事。直方亦興元人。與觀城固山爲隣。是日因薦觀有高行。詔以起居郎徵之。觀辭不起。卒於山。贊曰。高士忘懷。不隱不顯。依隱釣名。真風新鮮。結廬泉石。投綬市朝。心無出處。是曰道。

## 崔昭緯

舊唐書列傳。昭緯。清河人也。祖庇。滑州酸棗縣尉。父璿。鄆州觀察使。昭緯進士及第。昭宗朝。歷中書舍人。翰林學士。

戶部侍郎。同平章事。性姦纖。忌前達。內結中人。外連藩閥。屬朝廷微弱。每託援以凌人主。昭宗明察。心不能堪。以誘召三鎮將兵詣闕。賊殺軍。輔內臣帝深切齒。會太原之師誅行。瑜罷。指授右僕射。復又以託附汴州。再貶梧州司馬。尋降制曰。崔昭緯。頃居內署。粗著微勞。擢於侍從之司。委以獎調之任。不能忠貞報國。端慎處身。潛交結於姦臣。致漏泄於機事。星霜累換。匡輔幾聞。爾罪一也。又快其私忿。輒忘陰謀。託崔銀之險。繼行瑜之

計畫遂致稱兵向闕。怙衆脅君。故率臣章昭度李穀並以無辜見害。幾危宗社。顯辱君親。爾罪二也。及行瑜敗滅。京國甫安。而乃自懼欺誣。別謀託附。又以藩閫。潛請薦論。不唯苟免罪戾。兼亦再希任用。貪榮冒寵。潛滋無狀。敗俗傷風。賢愚共鄙。爾罪三也。又將厚賂。欲結諸王。輕侮我憲章。玷漬我骨肉。貸財之數。文字具存。賴諸王作狀。腹心嫉其露害。盡將昭輝情狀。兼其親吏姓名。直具奏聞。拒其求託。昭輝曾居宰輔。又歷清崇。但欲逞其回邪。都不顧其事體。觀其識見。實駭聽聞。爾罪四也。自姦邪既露。情狀難容。尚示寬刑。未行嚴懲。授于荒裔。冀其自新。而不能退省過尤。恭承制命。遽赴貶所。用守常規。而猶自務宴安。尋聞所在留駐。攬擾藩鎮。侮慢朝章。曾無稟畏之心。可驗苞藏之計。罔知懲咎。唯誇朝廷。爾罪五也。朕以恩澤者。帝王之雨露。刑法者。邦國之雷霆。無雨露則庶物不榮。無雷霆則萬邦不肅。朕體天道以化育。遵王度以澄清。罪既昭彰。理難含垢。凡百多士。宜體予懷。宜所在賜自盡時。昭輝行次至荆南。中使至斬之。兄昭符任至禮部尚書。昭愿太子少保。昭矩給事中。昭遠考功員外郎。昭厚判昭輝。

子昭耀。其兄清可人。及進士弟。至昭安時。世襲順。以戶部侍郎同中書門下平章事。居此之八年。累進尚書右僕射。昭輝除到。昭結十八。外連諸藩。

內制天子。以同其權。今後人執事。王行輸。州事某處。至宅宰相建議。或詔  
今有不脫終已。必使報。告行輸。使上書管計。已則陰所助之。方是時。帝  
室藏。人主首發。終然。始帝委社稷。能調兵食。以討賊。則昭輝方。時李茂貞  
行輸。為臣。陰得其計。則先告之。使使稱兵。向關。遂致陳能。使人導三鎮兵  
殺。帝昭度等。帝性剛明。不堪忍。會謀行輸。召龍昭輝。為右僕射。復請米全  
忠。為己。人亦踰諸王。為所惑。致梧州司馬。下詔。條其五罪。賜死。行次江陵。  
使者至。斬之。錢亦謀。楊正衡。音義。警。即移。切  
毀也。許居。以贊米。為切。狩。庚。用。切。能。也。

## 崔瓘

舊唐書列傳。瓘。博陵人也。以士行聞。在職清謹。累遷至澧州刺

史。下車。削去煩苛。以安人為務。居二年。風化大行。流亡襁負而  
至。增戶數萬有司。以聞。優詔。持加五階。至銀青光祿大夫。以甄能政。遷潭  
州刺史。兼御史中丞。克湖南都團練觀察。處置使。瓘到。官政有簡。肅恭守  
禮法。將吏自經時艱。久不奉法。多不便之。大曆五年四月。會月給糧。儲兵  
馬。使戚玠與判官達奚觀。忿爭。觀曰。今幸無事。玠曰。有事何。遂屬色而去。  
是夜。玠遂搆亂。犯州城。以殺達奚觀。為名。瓘惶遽走。達玠兵至。遂遇害。代  
宗聞其事。悼惜久之。元一統志。事唐領湖南觀察使。當宣皇尚武之際。用

愷悌脩政。推理行第一。權載之集云。唐元次山集。崔潭州表。乙巳歲。潭州刺史崔壇去官。州人衡州司功參軍鄭洎爲鄉人某等。請余爲崔公作表。公前在潭州。謹頌之聲。達于朝廷。衆異之。詔與人爲程。及領此州。在今日能使孤老寡弱無悲憂。單貧困窮安其鄉。富豪強家無利害。賈人就食之類。各得其業。職役供給不匱人。而當於有司。若非清廉而信正直而仁。則不能至於觀察御史中丞孟公奏課又第一。會國家以戎戎爲虞。未即徵拜。使蒼生正賜於朕。而去其麻廢。使蒼生正渴而蔽其清源。時艱道遠。州人等不得詣闕冤訴。且欲刻石立表。以彰盛德。於載刺史有土官也。千里之內。品形之屬。不亦多乎。豈可令出堅恭類。貪夫姦黨。以貨權家而至此官。如崔公有者。豈獨真刺史耳。鄭洎之爲。豈苟媚其君而私於州里耶。蓋惧清廉正直之道。溺於僻俗。君子愛之心不顯來世。故采其意而已矣。

崔魚

唐才子傳。魯廣明間舉進士。上爲雜文。才麗而蕩。詩慕杜紫微。風範。詩句絕多。如梅花云。強半瘦。因前夜雪。數枝愁。向晚來天。

又初開。已入雕梁盡。木落先愁玉笛吹。蓮花云。何人解把無塵袖。盛取清香盡日憐。山鵲云。一番春雨吹巢冷。半朵山花咽舊香。又別題云。雲生桂。

破降龍地。露洗林密放鸞天等。皆綺製精深。膾炙人口。頗嗜酒無德。常醉辱陸肱郎中。旦日慚甚。為詩謝曰。醉時顛。醒時羞。麴藥催人不自由。已耐一雙窮相眼。不堪花卉在前頭。陸亦諒之。悠悠亂世。竟無所成。曹詩善於狀景詠物。讀之如嚙冰雪。心爽神怡。能達聲病。氣象清楚。格調且高。中間別有一種風情佳作也。詩

三百餘篇。名無機集。今傳。

### 崔雍

唐語林雍少有令名。進士第。與鄭顥齊名。士之遊其門者。多登第。時人語為崔雍鄭顥世界。自起居郎出守和州。遇龐勳冠。歷

陽。雍奔城奔浙西。為路嚴所構。賜死。雍死。明序福元

第八人。皆進士。列甲乙科。當時號為點頭崔家。

### 崔道融

唐才子傳道融。荆人也。自號東甌散人。與司空圖為詩友。出為永嘉宰。工絕句。語意妙甚。如銅雀妓云。歌咽新翻曲。

香銷舊賜衣。陵園風雨暗。不見六龍歸。春閨云。寒食月明雨。落花香滿泥。佳人持錦字。無鴈寄征西。寄人云。澹澹長江水。悠悠遠客情。落花相與恨。

到地一無聲。寒食夜云。滿地梨花白。風吹碎月明。大家寒食夜。獨貯速鄉情。等尚眾。誰謂晚唐間。忽有此作。使古人復生。亦不多讓。可謂出乎其萃。

援乎其類者矣。人悉推服其風情雅度。猶恨出處未能梗槩之也。有申唐集十卷。自序云。乾符乙卯夏寓永嘉山齋。收拾草葉。得五百餘篇。今存于世。

### 崔塗

唐才子傳塗字禮山。光啓四年。鄭貽矩榜進士及第。工詩。深造理窟。端能珠動人意。寫景狀懷。佳佳宣陶肺腑。亦窮年羈旅。壯

歲上已蜀。老大遊隴山。家寄江南。每多離愁之作。警策如流。年川暗度。佳事月空明。巫娥云。江山非舊主。雲雨是前身。如病如新。事少老別。故交離孤。鴈云。渚雲低暗度。關月冷相隨。山寺云。夕陽高鳥過。疎雨一鐘殘。又谷樹雲埋老。僧窗瀑照寒。鸚鵡洲云。曹瞞尚不能容物。黃祖何因解愛才。春夕云。胡蝶夢中家萬里。杜鵑枝上月三更。隴上云。三聲戍角邊城暮。萬里鄉心塞草春。過峽云。五千里外五年客。十二峯前一望秋。等聯。作者於此歛衽。意味俱遠。大名不虛。有詩一卷。今行。

### 崔國輔

唐才子傳國輔。山陰人也。開元十四年。嚴迪榜進士。與儲光羲。慕容母。偕同時。舉縣令。累遷。集賢直學士。禮部郎中。天

寶間。坐是王鉞近親。貶竟陵司馬。有文及詩。婉變清楚。深宜諷詠。樂府短章。古人有不能遇也。初至竟陵。與處士陸鴻漸遊。三歲。交情至厚。謔笑承

日。又相與較定茶水之品。臨別謂羽曰。予有襄陽太守李愷所遺白驢馬。犂牛各一頭。及廬黃門所遺文槐書函一枚。此物皆已之所惜者。宜野人來蓄。故特以相贈。雅意高情。一時所尚。有酬酢之歌詩并集傳焉。

### 崔署

唐才子傳署宋州人。少孤貧。不應薦辟。志况疎爽。擇交於方外。苦讀書。高栖少室山中。與薛稷友善。工詩。言詞款要。情興悲涼。

送別登樓。俱堪淚下。集傳于今也。

### 崔峒

唐才子傳峒博陵人。工文有價。初辟潞州功曹。後歷左拾遺。終右補闕。詞彩炳然。意思方雅。時人稱其句高。披沙揀金。往往見

實。詩集一卷

今行於世。

### 崔遠

太平廣記唐崔遠。將退休。親厚皆勉之。長女賢。知書獨勤。相國遂決退。一二歲中。居閑躁悶。顧謂兒姪曰。不得諸道金銅茶籠。

子近來想四掩也。遂復起。

# 崔希真

茅山志客鍾陵舍于郡西。善鼓琴工繪事。兼好脩鍊之術。大曆二年十月朔夜大雪。希真晨啟門見一老人。衣蓑戴笠。避雪門下。崔異之。延入。脫去蓑笠。神色毛骨非常。益敬之。問曰。家有大麥麴。聊以充飢。公能食乎。老父曰。大麥受四時氣。穀之善者也。沃以豉汁。彌佳。崔命家人具之。間又獻松花酒。老父曰。花滋無味。野人有物能令其醇美。乃探懷中丸藥。色黃而堅。以石叩之。置少許酒中。甘香頓異。仍以餘藥遺希真。崔入宅隙窺之。見老父於帷幄前所幘畫素上。如有所圖。瞬息而罷。崔出。已失老父。遂踐雪迹。遂去數里。至江入蘆洲中。見一大船。舫中數人狀兒皆奇。其人顧笑曰。葛三乃見逼於伊人。迴謂崔曰。尊道嚴師之禮。不必然也。崔拜而謝之。歸視幄中得圖焉。有三人。二樹。一白鹿。一藥笈。其二人蓋方外之狀。手執玄芝。一似采藥者。二樹似松栢。皆幽岩爲風雨所敗。枯朽之狀。根相連屬。非常意所及。後携圖并丸藥來山。詣李舍元。天師。天師曰。此真人葛洪第三子所畫也。李君又曰。寫神人形狀於朽木之下。意若得道者。壽過松栢也。其藥乃千歲松膠也。事見原化記。

# 崔芊

茅山志處士隱居茅山。貞元十二年。右諫議大夫韋渠牟薦之。德宗徵至闕下。事見唐史。

崔偉

陝西漢中府志金州刺史。中和三年黃巢亂。攻陷州縣。偉乃保守疆土。民獲其安。事平。遂死於任。民立廟以祀之。

崔訂

湖廣沔陽志韓愈送崔復州叙曰。崔君之仁足蘇復人。又慶復人。特蒙其澤。

崔枕

五代史字子文。涿州安平人也。父涿唐末為刑部郎中。枕少好學。頗涉經史。工於文辭。遭世亂。寓居于滑臺。不進里巷者十餘

年。人罕識其面。梁貞明三年。舉進士甲科。開封尹王瓚辟掌秦記。枕性至孝。其父涿病。不肯服藥。曰。死生有命。何用藥為。枕屢進醫藥。不納。每賓客問疾者。枕輒迎拜門外。泣涕而告之。涿終不服藥而卒。枕居喪哀毀。服除。唐明宗以為監察御史。不拜。踰年。再命乃拜。累遷都官郎中翰林學士。晉高祖時。以戶部侍郎為學士承旨。權知天福二年貢舉。初。枕為學士。嘗草制為宰相桑維翰所改。枕以唐故事。學士草制有所改者。當罷職。乃引經據爭之。維翰頗不樂。而枕少專於文學。不能沮事。維翰乃命枕知貢舉。枕果不能舉職。時有進士孔英者。素有醜行。為當時所惡。枕既受命。往見維翰。維翰素貴嚴尊。而語簡。謂枕曰。孔英未矣。枕不諭其意。以謂維翰以孔英為言。乃考英及第。物議大以為非。即罷學士。拜尚書左丞。遷太常卿。八

年高祖詔大常優文武二舞。詳定正冬朝會禮及樂章。自唐末之亂。禮樂制度亡失已久。稅與御史中丞實貞。同刑部侍郎呂琦。禮部侍郎張允等。草定之。其年冬至。高祖會朝崇元殿。延設宮縣二舞。在北。登歌在上。文舞郎八佾六十有四人。冠進賢黃紗袍。白中單。白練襪。白布大口袴。革帶履。左執籥。右秉翟。執纛引者二人。武舞郎八佾六十有四人。服平巾幘。緋絲布大袖袴。甲金飾白練襪。錦膊蛇起梁帶。豹文大口袴。烏靴。左執干。右執戚。執旌引者二人。加鼓吹十二。按盾以熊豹以象百獸率舞。按設羽葆鼓一。大鼓一。金鐃一。歌蕭茄各二人。王公上壽天子舉爵。秦玄同三舉。登歌奏文同舉食。文舞舞昭德。武舞舞成功之曲。禮畢。高祖大悅。賜稅金帛。群臣左右親者皆嗟嘆之。然禮樂廢久。而制作簡繆。又繼以龜茲部覓索法曲。參亂雅音。其樂工舞郎多教坊伶人。百工商賈州縣避役之人。又無老師良工教習。明年正旦。優奏十廷。而登歌發聲。悲離煩思。如虞殯之音。舞者行列進退。皆不應節。聞者皆悲憤。其年高祖崩。稅以風痺。改太子賓客分司。西京以辛。開運二年。太常少卿陶穀奏廢二舞。明年契丹滅晉。耶律德光入京師。太常請備法駕奉迎。樂工教習固薄。鼓吹都人聞者。爲之流涕焉。新修五代史。稅。博陵安平人。累世冠冕。中祖元授樂進士。直史

禮。祖妹女。懷二州刺史。入涿州。拜中。稅平生所著文章。謀制詔書。凡  
人有增本傳焉者。則曰有前賢。有未者。莫用此為。凡史記而作者。必親托  
致之。即其具。羅世人之假手也。稅笑不至。晒。怒不至。詈。接新進後生。未  
嘗無諱焉。群居公會。端坐寡言。嘗云。非止致人愛憎。且或千人袒猶之諱。  
指命僕使。亦用禮節。歲暮。邪寒。不使肩犯。嘗自語於知友云。某少時。奉二  
人前引行路。一人計地。里曰一舍矣。可以止。一人曰。此君當更進三十有  
八里。僕行如所言。二人階止之。俄而驚覺。稅常識是夢。以為定命之限。故  
六十七。請退。明年果終焉。元綸有德德。好釋氏。閑居滑州。嘗欲請人於白  
馬津北。及臨岸。數日。波勢洶湧如此。安可濟乎。乃止。後徵拜左拾遺。辭疾  
不赴。慕誤崔稅。二事晉高祖時。以戶部侍郎為翰林學士。承旨。權知天福  
二年貢舉。維翰素貴。嚴尊而語簡。令按察維翰父。時。嘗事張全義。而感其  
有恩。維翰止以進士及第。節度使兼賓客。偶因晉祖。問國為相。天福二年。晉  
祖方即位之二年。而維翰為相。僅一年許爾。皆未可兼責。况宰相之重。人  
皆尊之。非獨維翰自尊而後尊也。何不曰維翰素於嚴而語簡。蓋維翰本  
傳云。維翰素以威嚴自持。故也。天福八年。高祖詔太常優文武二舞。詳定  
正冬朝會禮及樂章。稅等草定之。其年冬至。高祖會朝。崇元殿。延設宮縣。

二舞在左。登歌在南。王公上壽禮畢。高祖大悅。賜授金帛。明年正旦。復奏于廷。聞者皆悲憤。其年高祖崩。今按晉本紀。大福七年六月高祖崩。安得有八年。詔復二舞之事。此其一也。又按本紀。大福五年庚子十一月丙子冬至。始用二舞。至七年壬寅六月高祖崩。今此傳乃云其年入五會。翻跋廷。設宮縣一舞。明年高祖崩。其說又與紀不同。此其二也。此紀傳必有誤者。

## 崔協

五代史協字思化。遷祖清河太守第二子。憲性倏魏為太子洗馬。因為清河小房。至唐朝盛為流品。曾祖鄒天常卿。祖權吏部

尚書。父彥融。楚州刺史。彥融素與崔善。嘗為萬年令。善謁於縣。彥融未出。見案上有尺題。皆賂遺中賁人。善知其由。恨。始惡其為人。及除司勳郎中。善為左丞。通判不見。善謂曰。郎中行止鄙雜。故未見。宰相知之。改楚州刺史。卒於任。誠其子曰。世世無忘善。故其子弟常云。崔離協。即彥融之子也。幼有孝行。登士第。釋褐為度支巡官。滑南尉。直史館。歷三署。入梁為左司郎中。萬年令。給事中。累官至兵部侍郎。與中書舍人崔居儉相。遇於幕次。協厲聲而言曰。崔善之子。何敢相見。居儉亦報之。左降太子詹事。俄拜吏部侍郎。同光初。改御史中丞。憲司舉奏多以文字錯悞。屢受責罰。協器